

UNIVERZITET
„PRIVREDNA AKADEMIJA”
BRČKO DISTRIKT
BOSNA I HERCEGOVINA



PRAVILNIK O DISCIPLINSKOJ ODGOVORNOSTI STUDENATA

Univerziteta „Privredna akademija”
Brčko distrikt BiH

Brčko, septembar 2023. godine

Na osnovu člana 7. stav 2. tačka b) i člana 53. stav 1. tačka e) Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH“, broj: 30/09, 29/18 i 16/20), člana 21. stav 1. tačka e) Statuta Univerziteta “Privredna akademija” Brčko distrikt BiH, broj: 1-31/21 od 01.03.2021. godine, Senat Univerziteta “Privredna akademija” Brčko distrikt BiH, na svojoj redovnoj sjednici održanoj 20.09.2023. godine, donosi:

PRAVILNIK O DISCIPLINSKOJ ODGOVORNOSTI STUDENATA

Član 1.

Studenti Univerziteta “Privredna akademija” Brčko distrikt BiH, (u daljem tekstu: Univerzitet) dužni su, u prostorijama i u javnom prostoru, pridržavati se:

- a) Statuta i drugih opštih akata,
- b) Pravila akademskog ponašanja i pristojnosti prema nastavnicima, saradnicima i drugim radnicima, prema studentima, građanima i drugim osobama, kao i čuvati ugled studenta i Univerziteta.

Član 2.

- (1) Disciplinskim prestupom smatrat će se svaka povreda dužnosti iz člana 1. ovoga Pravilnika.

Član 3.

Lakše povrede dužnosti su:

- a) nedolično ponašanje,
- b) nanošenje materijalne štete Univerzitetu,
- c) ponašanje koje može da naruši ugled nastavnika, saradnika i drugih studenata,
- d) dolazak studenata na nastavu, ispite u alkoholisanom stanju,
- e) ometanje nastave i ispita,
- f) druge radnje kojima se u manjoj meri može štetiti ugledu Univerziteta.

Član 4.

Kao teža povreda dužnosti su:

- a) radnje kojima se uzrokuju kaznena djela za koja se goni po službenoj dužnosti a za koja se po zakonu može izreći pet godina zatvora ili teža kazna, radnje koje uzrokuju krivična djela koja su počinjena prema nastavnicima, saradnicima i drugim radnicima Univerziteta ili prema drugim studentima,
- b) namjerno oštećenje imovine Univerziteta ili uništavanje bibliotečnog fonda,
- c) namjerno uništavanje ili oštećenje indeksa odnosno objavljivanje gubitka indeksa u cilju protupravnog sticanja ili zadržavanja studentskih prava,
- d) grubo narušavanje reda i discipline utvrđene za pojedine oblike nastave odnosno za

ispite,

- e) zloupotreba prostorija i materijalnih sredstava, informatičke opreme i drugih uređaja,
- f) prepravka podataka u javnoj ispravi koju izdaje Univerzitet,
- g) Izražavanje nacionalne, vjerske, rasne i druge netrpeljivosti;
- h) grube povrede pravila kulturnog ponašanja i pristojnosti učinjene prema nastavnicima, saradnicima i drugim radnicima, odnosno prema studentima, građanima i drugim tijelima i organizacijama u prostorijama Univerziteta, drugim službenim prostorijama ili na javnim mjestima.

Član 5.

Za disciplinske prestupe odgovaraju redovni i vanredni studenti za vrijeme dok su upisani na neki od studijskih programa Univerziteta i za vrijeme dok uživaju apsolventska prava, kao i oni kojima su prestala apsolventska prava, ali još polažu zaostale ispite.

Član 6.

- (1) Za disciplinske prestupe studentima se mogu izricati ove mjere:
 - a) opomena,
 - b) ukor,
 - c) posljednja opomena pred isključenje,
 - d) zabrana polaganja ispita i/li pohađanja određenih oblika nastave do šest mjeseci,
 - e) isključenje iz studija do dvije godine,
 - f) trajno isključenje iz studija.
- (2) Mjera iz tačke e) i f) stava 1. ovoga člana može se izreći samo za teške oblike disciplinskih prestupa ili u slučaju višestrukog ponavljanja.
- (3) Mjera iz tačke e) stava 1. ovoga člana obuhvata zabranu upisa godine, ovjere godine, polaganje ispita te sudjelovanja u drugim oblicima nastave.

Član 7.

- (1) Gonjenje zbog disciplinskog prestupa ne može se preduzeti ako je proteklo šest mjeseci od dana kada je prestup počinjen.
- (2) Zastarjevanje disciplinskog gonjenja nastaje u svakom slučaju kad proteknu dvije godine od dana kad je prestup počinjen.
- (3) Ako je disciplinskim prestupom počinjeno kazneno djelo, zastarjevanje nastupa kada i zastarjevanje kaznenog djela.
- (4) Zastarjevanje disciplinskog gonjenja ne teče u periodu od 1. jula do 31. avgusta tekuće akademske godine.
- (5) Pravo na izvršenje izrečene disciplinske mjere iz člana 4. stava 1. ovoga Pravilnika zastarjeva nakon proteklih 30 dana od dana pravnosnažnosti odluke kojom je mjera izrečena.

Član 8.

U disciplinskim predmetima osobama iz člana 1. ovoga Pravilnika odlučuje Disciplinska komisija

(u daljem tekstu: Komisija).

Član 9.

- (1) Komisija se sastoji od predsjednika, jednog člana iz reda nastavnika i saradnika, jednog iz reda studenata.
- (2) Članove Komisije imenuje rektor Univerziteta.
- (3) Stručne poslove Komisije i vođenje zapisnika obavlja sekretar.
- (4) Člana Komisije iz reda studenata bira rektor na prijedlog Studentskog parlamenta.

Član 10.

Članovi Komisije se biraju na vrijeme trajanja disciplinskog postupka.

Član 11.

U slučaju spriječenosti pojedinog člana Komisije, predsjednik imenuje zamjenika iz reda drugih članova Univerziteta.

Član 12.

- (1) Prijedlog za pokretanje disciplinskog postupka mogu podnijeti Prorektor za nastavu, Dekani Fakulteta, generalni sekretar.
- (2) Prijedlog se podnosi dekanu fakulteta na kom student studira.
- (3) Prijedlog iz stava 1. ovoga člana Dekan podnosi po vlastitoj inicijativi ili u povodu prijave zainteresovane osobe, ako ocijeni da je opravdana.
- (4) Prijedlog za pokretanje postupka sadrži:
 - naziv organa kojem se upućuje;
 - ime i prezime studenta protiv kojeg se traži pokretanje postupka;
 - opis i vrijeme učinjene povrede;
 - dokaze za utvrđivanje;
 - potpis podnosioca prijedloga.
- (5) Rješenje o pokretanju postupka predsjednik Komisije dostavlja studentu i podnosiocu prijedloga za pokretanje postupka.

Član 13.

- (1) Ako ocijeni da nema mjesta pokretanju postupka predsjednik Komisije će o tome donijeti rješenje i dostaviti ga podnosiocu zahtjeva za pokretanje postupka i studentu.
- (2) Ukoliko Komisija utvrdi da postoji osnov za vođenje postupka, onda će u roku od sedam dana od dana prijema prijedloga za pokretanje disciplinskog postupka, pismeno pozvati studenta koji je učinio povredu, na iznošenje odbrane.
- (3) Odbrana se iznosi u pisanom obliku ili usmeno saslušavanjem zaposlenog.
- (4) O usmenoj odbrani sastavlja se zapisnik.
- (5) Neiznošenje odbrane studenta smatra se priznavanjem navoda iz prijedloga za donošenje
- (6) disciplinske mjere.

Član 14.

- (1) Ako postoje osnovane sumnje da je student počinio težu povredu dužnosti definisanu. Statutom Univerziteta, Dekan može tom studentu privremeno oduzeti indeks.

- (2) Oduzeti indeks može se zadržati do odluke o pokretanju postupka, a najduže mjesec dana.
- (3) Nakon pokretanja postupka, odluku o oduzimanju indeksa donosi Komisija prema čijoj se odluci indeks može oduzeti za još mjesec dana.
- (4) Ukupno trajanje mjere oduzimanja indeksa ne može preći tri mjeseca.
- (5) Oduzimanje indeksa podrazumijeva zabranu polaganja ispita, upisa, predaje diplomskog rada, polaganja seminarskog kolokvija, te pristupa drugim oblicima nastave ili provjere znanja. Odlukom o oduzimanju indeksa neki se oblik nastave ili provjere znanja može izuzeti iz zabrane.

Član 15.

- (1) Usmena rasprava se odvija prema slijedećem redoslijedu:
 - a) konstatovanjem prisustva pozvanih lica i utvrđivanjem njihovog svojstva (lice protiv koga se vodi postupak, svjedok, zapisničar i dr.), b
 - b) čitanjem zahtjeva iz člana 13. ovog Pravilnika,
 - c) davanjem izjave od strane studenta protiv koga se vodi postupak,
 - d) provođenjem dokaznog postupka: uvidom u javne isprave, saslušanjem svjedoka, uvidom u odgovarajuće evidencije koje se vode na Univerzitetu,
 - e) davanjem završnih izjava studenta protiv koga se vodi postupak, i eventualno, njegovog punomoćnika.
- (2) Na raspravi se vodi zapisnik u koji se unose svi relevantni podaci vezani za tok rasprave.

Član 17.

Odlukom disciplinske komisije studentu se izriče odgovarajuća disciplinska mjera.

Član 18.

Protiv odluke disciplinske komisije student i podnositelj prijedloga mogu izjaviti žalbu Upravnom odboru Univerziteta u roku od 8 dana od prijema odluke.

Član 19.

Izrečene disciplinske mjere upisuju se u studentski dosije i u index studenta, a ako je izrečena mjera isključenja sa Fakulteta, i u ispisnicu.

Član 20.

O izvršenju konačne odluka Komisije, stara se Dekan Fakulteta.

Član 21.

Konačne odluke o disciplinskoj odgovornosti studenta objavljuju se na oglasnoj tabli Univerziteta i dostavljaju se Studentskom parlamentu.

Član 22.

Ovaj Pravilnik stupa na snagu osmog dana od dana objavljivanja na oglasnoj tabli Univerziteta.